



## INATSISARTUNI

Partii Inuit  
Randi Broberg

UPA 2014/102-1  
30.4.2014

**Pillugu: Meeqqat atuarfiani naammassisut inuuniarnermikkut piginnaasakkullunniit patsiseqartumik ilinniagaqalinngitsoortartut perorsimanerulernissaat piginnaangorsarnissaat piumassuseqarnerulernissaallu siunertaralugu Naalackersuisut misissuinissamik aallartitseqqullugit Inatsisartut aalajangiiffigisassaattut siunnersuut. Misissuineq 2015-imi upernaakkut ataatsimiinnermi nalunaarusiamik agguaassinermik inerpeqassaaq.**

(Inatsisartunut ilaasortaq Evelyn Frederiksen, Siumut)

Siunnersuummi oqariartuutigineqartoq paasivarput tassaasoq, inuusuttortatta meeqqat atuarfiannik naammassinnissinnaanerit aammalu ilinniakkamik aallartitsisinnaanerit qulakkeerniarlugu, pisortatigoortumik iliuusaasinnaasut ujartuiffigalugit qulaajaasoqarnissaa kissaatigineqartoq.

Naalackersuisup akissuteqaataani erserpoq:

- a) ajornartorsiummut qaqilerneqartumut attuumassuteqartumik misissuineq 2013'imi aallartereersimasoq,
- b) taamalu naatsersuutigineqartoq 2015 upernaakkut Inatsisartut katersuunnissaannut atasumik nassuiaammik saqqummiisoqarumaartoq.

Naalackersuisup innersuussutaa naapertorlugu, Partii Inuit innersuussutigaarput siunnersuutip akuersissutigineqarnissaa. Itinerusumik eqqartuiffigeqqinneqarnissaa qilanaaralugu utaqqimaassavarput.

Taama oqaaseqaluta qujavugut.